

a Nicol. P. r. epist.
2. ad Michael. Imp.

pla sequutus sit, his verbis declarat Nicolaus primus * ad Michaëlē : [Opor-
tet vestrum Imperiale decus, quod in omnibus Ecclesiasticis vtilitatibus vi-
gere audiuius, vt antiquum morem quem nostra Ecclesia habuit, vestris
temporibus restaurare dignemini : quatenus vicem quam nostra sedes per
Episcopos vestris in partibus constitutos habuit, videlicet Thessalonicen-
sem, qui Romanæ sedis vicem per Epirum veterem, Epirumque nouam,
atque Illyricum, Macedoniam, Thessaliam, Achaïam, Daciam Ripensem,
Daciamque Mediterraneam, Mysiam, Dardaniam & Præualim, Beato Pe-
tro Apostolorum principi contradicere nullus præsumat.] Hæc autem cum
ita sint, non parum mihi probabile est eam ciuitatem Metropolim fuisse to-
tius Illyrici Orientalis ante prouinciarum diuisionem. Maioribus enim, vt
iam diximus, dignioribusque ciuitatibus honor ille tribuebatur, quibus
Primatus postea datus est, eiusque conditionis Thessalonicam esse omnes
norunt. Adde quod Alexandro huius Episcopo cura mittendorū decretorū
Concilij Nicæni per Macedoniam, Græciam, Europam, Scythiam, Thessaliā,
Achaïam vniuersumque Illyricum commissa sit, nec credēdi locus videatur
id muneris Antistiti, qui per eas authoritatem non haberet, datum fuisse.

XV.
PHILIPPI METRO-
POLIS HONORA-
RIA MACEDO-
NIAE
c. Liberat. cap. 5.
d. Baron. ad an. 430.
sum. 27.

Philippos Ciuitatem Metropolim in Macedonia post Thessalonicam in
tabula ponimus, fuitque sane saltem honorario iure, vt satis discitur ex
Liberato^b in Breuiario. Etenim apud eum Flauianus Philippensis Archiepis-
copus. dicitur, quem Baronius^c Philippensi Ecclesiæ præfuisse scribit. Nec
certe ibi positam fuisse sedem Metropolitanam, postquam Illyricum Orien-
tale Constantinopolitano Patriarchæ subditum fuit, vt in Notitia Constan-
tinopolitanæ Ecclesiæ vulgò Imperatori Leoni tributa dignoscitur. Atta-
men Philippensem Episcopum primis sex sæculis veri Metropolitanæ iura &
Suffraganeos habuisse non asseram. Obstant enim ipsi Philippenses Episco-
pi, qui nequidem Metropolitanæ nomen sumunt in subscriptionibus Conci-
liorum generalium quinti & sexti, quibus tamen videre est Episcopos ciui-
tatum, quæ reuera Metropoles erant, hocce honoris titulo aut in vno aut
in altero designari. Imò reperio Sozontem Philipporum Episcopum post
omnes Metropolitanas nominatum actione prima Concilij Chalcedonensis,
etiam post Constantinum Episcopum Demetriadis in Thessalia, & Ale-
xandrum Sebastæ in Cilicia. Adde quod si Philippensis sedes Metropolita-
na cum omnibus iuribus fuisset ante Iconomachorum Imperatorum tem-
pora, hanc proculdubio legeremus inter auulsas à sede Romana, quas recen-
set Leo Imperator in Diatyposi Constantinopolitana, cum longè proximi-
or sit Constantinopoli quam Corinthus, Patræ, Athenæ & Thessalonica.
Vnde cum his apud eam non annumeretur, nec etiam Metropolitanā, nisi
nomine & honore, fuisse ante illorum tempora, quasi indubitatum mihi est.
Instabis actione prima Concilij Chalcedonensis, eadem pagina, qua repe-
ritur Sozon Episcopus, mentionem fieri Macedoniae primæ, ideoque iam
hoc tempore & secundam Macedoniam extitisse, quarum Metropolita
esset Philippensis Episcopus. Sed respondeo Macedoniam in primam & se-
cundā bifariam diuisam fuisse: primū ab Imperatoribus, à quibus vna prima
dicta est, & altera salutaris, vt in Notitia Imperij legitur: & postea ab Eccle-
sia, quæ Macedoniam primam eam vocauit, cuius Thessalonica Metro-
polis erat, & secundam alteram cuius Philippi. Iam verò de Macedonia